



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 40. Philippi Philonardi Cardinalis extrema.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Sæc. XVII. Episcopum tanquam latini idiomatis
 A.C. 1622. ignarum traduxerat, quem cum Hen-
 rici frater captum in suo Palatio deti-
 neret, ac Cardinalem, ut de hoc ma-
 ledico vindictam sumeret, hortaretur,
 ipse Fratri suo respondit, *Frater, di-
 mitte eum, quia nescivit, quid fecit, ad-
 mone autem illum, ut deinceps officii sui
 memor sapiat:* Pariter quemdam Ca-
 nonicum, quem Henricus prorsus in-
 digna adversus se in Capitulo evomuisse
 noverat, in medio Ecclesiæ obvium
 factum prior tenero affectu amplexatus,
 se ejus amicum semper fore profiteba-
 tur. Tandem Rege Ludovico XIII.
 Hugonotas insequente, Henricus Bi-
 terris die secunda Augusti mortalita-
 tem exiit, in familiæ suæ monumento
 Parisiis reconditus.

§. XL.

*Philippi Philonardi Cardinalis
extrema.*

Ughell. in Ital. Sacra. Ciacon. in vita Paul. V. Sequentis Mensis diem trigesimam
 Philippus Philonardus patria Nea-
 politanus vitæ suæ postremam habuit.
 Hic humanioribus literis Romæ excul-
 tus, ac Pisis jurisprudentiæ laurea
 decoratus aliquamdiu Romæ Jurecon-
 sultum egit, summa nominis sui laude:
 postea a Paulo V. Aquinas Episcopus,
 Fir-

Firmanæ Urbis Præses, Vice-Legatus Sæc. XVII. A. C. 1622.
 Avenionensis, ac demum absens Car-
 dinalis renunciatus est: Præfuit quo-
 que variis Congregationibus, in qui-
 bus cunctis muneribus singularem vi-
 gilantiam, dexteritatem & prudentiam
 exhibuit: cum autem æstivo tempore
 aucupio oblectaretur, maligna febre
 correptus, anno ætatis quadragesimo
 quinto Romæ decessit, Baucum in
 Hernicis, ubi natus, pariter in Majo-
 rum suorum sepulcro tumulatus.

§. XLI.

*Joannis Delphini Cardinalis
 fatum.*

Postremus denique ex Purpuratis, qui
 hoc anno obiit, erat Joannes
 Delphinus, Nobilis Venetus, hujus-
 que Reipublicæ apud Sedem Apostoli-
 cam Orator. Hic Clementis VIII. sui-
 que Nepotis gratia valens, legatione
 dimissa, assumptaque clericali militia
 Vincentinus Episcopus nominabatur,
 postea ab eodem Papa Cardinalis titulo
 S. Mathæi, & sub Paulo V. titulo Sancti
 Marci decoratus, varia Ecclesiæ obse-
 quia præstitit. Erat prudentia, rerum-
 que experientia clarus, cumque aspe-
 ctu, corporis proceritate, ac prolixiori
 barba venerandus esset, iteratis ad
 Hispa-